

ուսուցիչն Սրապիոն Ուռհայեցին և ապա իր աշակերտը՝ Մովսէս Տաթևացին :

Գրիգոր վրդ. Կեսարացի, հակառակորդ Մելքիսեդեկ կաթողիկոսի և անոր ձեռնասուն Յովհաննէս Խուլին, արդէն բնաւ հաւանական չէր որ զիջանած ըլլար անկէ ձեռնադրութիւն ստանալու, մանաւանդ երբ ինքն իբր Կիլիկիոյ աթոռին թեմական և Ազարիա կաթողիկոսէն զրկուած Սիսի կապուած էր և իբր այն՝ արդէն պատրիարք ընտրուած էր :

Հետևաբար հաւանական չէր որ Կ. Պոլսոյ ժողովուրդը էջմիածնայ կաթողիկոսին ղրմած ըլլար և ինքն ալ այդ մտքով ճամբայ ելած ըլլար :

Իրողութիւնը՝ իր մանրամասնութիւններուն մէջ որոնք նոյն իսկ իր գրչով կը պատմուին՝ ասկէ տարբեր եզրակացութեան մը չեն կրնար հասցնել :

Գրիգոր վրդ. Կեսարացի, այսպէս 1602 մայիս 29էն մինչև յունիս 28, երեսուն և մէկ օրերու միջոցին, ձեռնադրուեցաւ «եպիսկոպոս եւ առաջնորդ Սսանքօրու» ըստ Յակոբ քհ. Կեսարացիի և «ի վերայ Սսանքօրու պատրիարք» ըստ Սիմէոն Սսոյ կաթողիկոսութուղթին (էջ 66) :

Հ. Գրիգորիս վրդ. Գալէմքեարեան և Եանչուշտ հիմնուելով այս վկայութեանց վը-